

be

18 urte
ntzen

Larraingoa zentro
terapeutikoak 430
bat lagun hartu ditu
18 urtetan.

UXUE MONTERO



Arau zorrotzen beharra

LARRAINGOAN BETE BEHARREKO ARAU ZORROTZAK DITUZTE. KONPARAZIO BATERA, EZIN DA HARTU EZ DROGARIK, EZ ALKOHOLIK, EZ KAFERIK, ez tratamenduz kanpoko botikarik. Eta tabakoa mugaturik dago. Gernu analisiak eta miaketak jasatera beharturik daude. Dirurik ezin da erabili. Bortizkeria, armak eta bertakoen arteko harreman sexualak debekaturik daude. Jasotzen diren eskutitzak zentroko langile baten aurrean ireki behar da. Higiene pertsonal zorrotza izan behar da. Arau horiek, eta beste batzuk, ez betetzeak eskubideen behin-behineko galtzea, programaren faseetan atzera egitea edo kanporatzea ekar dezake.

Zentroko zuzendari Asun Ibañezendako arauak ez dira gogorregiak. «Arauak harremanak arautzeko dira», adierazi du. «Hemen, arauen bitartez, saiatzen gara muga jakin batzuk ezartzen, gero errazago gizarteratu daitezen». Larraingoan daudenek, izan duten bizitza motarengatik, halako borroka bat dute arauarekin. «Orokorrean onartzen dituzte, baina batzuetan sortzen dira bortizkeri egoerak, ez arauak ez errespetatzeagatik, pertsonen arteko harremanetan dauden tirabirengatik baizik», adierazi du Ibañezek. «Ez dakite mugekin jokatzeko, ez direlako gai gatazka bat modu egokian konpontzeko. Adibidez, hemen arauetan azaltzen da beste norbaitena den zerbait ezin dela hartu, alegia, ezin dela lapurtu. Hori edonork badaki. Gizartean gehienok ulertzen dugu hau nirea bada ezin diezadakezula ken, nahiz eta droga erosteko behar duzun. Ezin da bestearen tabakoa edo xanpua hartu, eskatu egin behar da. Eta lapurretari gerta ez dadin, tentazioa saihesteko, beste arau bat jarri behar da: erabiltzaile bat ezin da sartu beste baten logelan. Arau horrek segurtasuna ematen digu denoi. Alde horretatik, araua istiluak eragozten duen erreferentzia da».

Luis erabiltzaileari gogorra egin zitzaion hasieran arauen kontua. «Toxikomanoek dugun arazoa da guretako ez dela inoiz izan ez araurik ez legerik», erran du. «Gauza guziez paso egiten dugu, eta arauak egokitzea asko kostatzen zaigu. Dena dela, hona etorri nintzenean, nik ideiak garbi nituen, mundu honetatik atera nahi nuen, eta banekeen horrek esfortzua eskatuko zidala».

Carlosi kartzela tiki bat iruditu zitzaion Larraingoako zentroa. «Arau asko dago, baina horrela izan behar du», gaineratu du, hala ere. «Kalean nahi duzuna egiten duzu, eta hemen diziplina ezartzen dizute, ordutegi bat. Noski, ez zaizu gustatzen, baina konturatzen zara ona dela. Hortaz, niri ez zitzaidan asko kostatu arauak onartzea,

Carlos: «Pixka bat utziko dut»

Carlos 15 urtekin hasi zen porroekin. Orain 15 ditu. Gero anfetaminak, tripiak, pilulak, kokaina eta heroina etorri ziren. «Denak probatzeko asmoa nuen», dio Carlosek. «Kokainak eskatzen duen bizitza mailari eusteko trafikatzen hasi behar izan nuen. Egunean 35-40 gramo hartzen nituen, eta hori dituztena handia da, ia 300.000 pezeta egunero. Eta horretarako saldu egin behar duzu. Ez duzu eguna bizitzen, gaua baizik. Ez da bizitza maila txarra. Zure gorputza hondatzen duzu, baina ongi pasatzen duzu».

Carlos garbi zegoen, 1998an zenbait arazo zituen arte. Iaz lau zapabost epaiketa egin behar zizkioten eta aholkatu zioten epaiketak Larraingoan zegoela igarotzea. Kartzelan egonez gero bi bat urte itxaron behar da Larraingoan sartzeko. Carlos baldintza onak eskatzen dago eta duela hiru hilabete sartu zen Larraingoan: «Nahi izanez gero, orain kalean nengo, baina hemen

nagoela, programa bukatu eta pixka bat kenduko dut menpekotasun hori».

Egunean jarduera anitz dute egiteko Larraingoan. Gogoia entretenitzea da kontua. Dena den, ohikeria da nagusi anitzetan. Baina Carlosi kontent ikusten zaio. Gimnasioan denbora asko ematen du eta txerri, untxi eta ahateekin egotea ere gustatzen zaio. Harro erakusten du Luisek egin duen egurrezko zintzilikaria.

Programa bukatzea espero du Carlosek, baina ez daki zer gertatuko den gelditzen zaizkion bi epaiketekin. «Drogak ez dira txarrak, gehiegi hartzen ez bada. Ez dut uste

utziko ditudanik. Etengabe kontsumitzea irazten du, baina noizean behin hartuko ditut. Asteburuan mozkortzea eta lerro pare bat hartzea ez da txarra. Ziur naiz egingen dudala. Nik eta hemen dauden gehienek. Gutxi dira honera etorri eta drogak uzteko asmoa dutenak. Luis gutienetakoa da». Hain zuzen ere, Luisen asmoa irmoagoa delako, mundu horretatik atera nahi duelako, izen faltsua eman digu eta ez du argazkia egiterik nahi. Carlosek bai. Gustura, gainera.

Asier Azpilikueta